



ENTE PÚBLICO PORTOS DE GALICIA

PREGO DE BASES POLAS QUE SE REXERÁ A CONVOCATORIA PÚBLICA PARA O OUTORGAMENTO DE AUTORIZACIÓNS DE ATRAQUE NO PANTALÁN DE EMBARCACIÓNS DEPORTIVAS DO PORTO DE VILAXOÁN (VILAGARCÍA DE AROUSA)

ÍNDICE:

CAPÍTULO I DO PROCEDEMENTO PARA A ADXUDICACIÓN DAS AUTORIZACIÓNS DE ATRAQUE E XESTIÓN DUNHA LISTA DE ESPERA

ANEXOS:

I - PREGO DE CONDICIÓN DAS AUTORIZACIÓNS

II - MODELO DE INSTANCIA DE SOLICITUDE DE AUTORIZACIÓN

III – MODELO DE DOMICILIACIÓN BANCARIA





PREGO DE BASES POLAS QUE SE REXERÁ A CONVOCATORIA PÚBLICA PARA O OUTORGAMENTO DE AUTORIZACIÓNS DE ATRAQUE NO PANTALÁN DE EMBARCACIÓNS DEPORTIVAS DO PORTO DE VILAXOÁN (VILAGARCÍA DE AROUSA)

CAPÍTULO I

DO PROCEDEMENTO PARA A ADXUDICACIÓN DAS AUTORIZACIÓNS DE ATRAQUE

1.- PROCEDEMENTO PARA A ADXUDICACIÓN DAS AUTORIZACIÓNS DE ATRAQUE

As autorizacións de atraque obxecto deste prego adxudicaranse mediante convocatoria pública, de conformidade co procedemento establecido neste Prego de Bases e no Prego de Condicións incluído no Anexo I.

2.- TIPOS DE PRAZAS E TARIFAS A SATISFACER POLOS ADXUDICATARIOS

A presente convocatoria ábrese unicamente para embarcacións da 7ª lista, sendo as prazas vacantes as seguintes:

PORTO	Nº de prazas	Dimensións máximas das embarcacións (eslora x manga)
VILAXOÁN	28	6,00m x 2,30m

Portos de Galicia, unha vez rematado o prazo de presentación de solicitudes, poderá, se así o estima conveniente, modificar as dimensións e emprazamento das prazas para adaptar a distribución das mesmas ó resultado da convocatoria. Asemade, se como resultado da convocatoria fose necesario ampliar ou reducir a oferta de prazas de amarre, redistribuílas, reenumeralas ou variar a súa posición, poderá facelo de maneira xustificada e conservando as características xerais das prazas, tendo dereito o solicitante que se vira afectado polas modificacións a renunciar á autorización adxudicada sen dereito a indemnización algunha.

O adxudicatario deberá abonar a tarifa portuaria vixente en cada momento de aplicación ás embarcacións deportivas e de recreo, na actualidade a Tarifa X-5 das contempladas na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia. D.O.G. nº 240, do 11 de decembro de 2003.





Para o abono da tarifa X-5 considerarase que a embarcación ten base no porto, polo que en virtude da regra sétima da citada Lei 6/2003, esixirase ó concesionario o pago por semestres naturais adiantados da tarifa mediante domiciliación bancaria.

Se no futuro existise fornecemento de auga ou enerxía nos pantaláns a través de tomas, o titular deberá abonar, ademáis da tarifa X-5 citada anteriormente, a correspondente a este tipo de fornecementos, na actualidade a tarifa E-3.

3.- PRAZO DAS AUTORIZACIÓNS

As autorizacións de atraque adxudicaranse polo prazo de TRES (3) ANOS, agás causa xustificada que motive a redución do mesmo, e terán carácter renovable.

4.- PRESENTACIÓN DE SOLICITUDES

4.1.- As persoas ou entidades que desexen solicitar as autorizacións de atraque obxecto deste prego deberán dirixir ó Ente Público Portos de Galicia unha solicitude conforme ó modelo que se incorpora a este prego como ANEXO II, acompañada da documentación que se sinala a continuación, presentándose no Rexistro da Zona Sur de Portos de Galicia, sito na r/ Benito Corbal, nº37, 3º en Pontevedra, ou na forma indicada no artigo 38.4 da Lei 30/92, do 26 de novembro, de Réxime Xurídico das Administracións Públicas e do Procedemento Administrativo Común, pero en todo caso deberá acreditarse a data e hora de presentación da solicitude.

A data de inicio do prazo de presentación de solicitudes indicarse no anuncio publicado no Diario Oficial de Galicia.

4.2.- Xunto coa solicitude, os solicitantes deberán presenta-la seguinte documentación:

1.- Documentos que acrediten a personalidade do solicitante, consistente en:

- Se é persoa física: Copia do D.N.I.
- Se é persoa xurídica: escritura de constitución e de modificación, no seu caso, inscritas no Rexistro Mercantil cando este requisito fora esixible conforme á lexislación mercantil que lle sexa aplicable. Se non o fora, mediante a escritura ou documento de constitución, modificación, estatutos ou acto fundacional no que constaren as normas polas que se regula a súa actividade, inscritos, no seu caso, no correspondente rexistro oficial. Neste caso, as persoas que asinen a solicitude en nome da persoa xurídica, deberán acredita-la representación ca que actúan mediante poder bastantado ó efecto por letrado da Asesoría Xurídica Xeral da Xunta de Galicia.





2.- Certificación actualizada da folia de asento da embarcación que utilizará a praza solicitada, nos que figuren como mínimo os datos seguintes: nome da embarcación, folio, propietario e dimensións. No caso de que estea en trámites de actualización deberá presentarse o xustificante conforme se está tramitando dita actualización en Capitanía Marítima. Para que a Folla de Asento se considere actualizada deberá estar certificada pola Capitanía Marítima cunha anterioridade máxima dun ano contado a partir da data de publicación no Diario Oficial de Galicia do anuncio da convocatoria.

3.- Copia compulsada do certificado que acredite o abono do seguro de responsabilidade civil da embarcación con vixencia no período no cal se formalice a solicitude.

Os que resulten adxudicatarios de prazas deberán presentar, no prazo de dez días desde que se lle comunique a adxudicación, o impreso cuberto para a domiciliación bancaria das tarifas portuarias con selo do banco ou caixa correspondente. Unha vez cumprido este requisito se outorgará a autorización. O incumprimento deste requisito suporá a anulación da adxudicación.

Os interesados que non dispoñan de embarcación non poderán solicitar unha autorización de atraque.

5.- SELECCIÓN DOS ADXUDICATARIOS

A orde de prioridade na selección e adxudicación das autorizacións de atraque solicitadas virá determinada polas seguintes consideracións indicadas por orde preferente:

1º.- Aquelas embarcacións que, sendo presentadas as solicitudes en prazo e correctamente, non dispoñan de ningunha outra praza de atraque en ningún porto galego.

2º.- **As embarcacións que non superen unha manga de 2,10m.**

3º.- Para as embarcacións de manga igual ou inferior a 2,10m: Data e hora de presentación das correspondentes solicitudes. Se por calquera causa non se acredítase a hora na solicitude polo organismo oficial correspondente, computarase como hora de entrada en rexistro as 14:00h.

4º.- Para as embarcacións de manga comprendida entre 2,11m e 2,30m: O valor numérico da manga, tendo preferencia as de menor valor. Ante igualdade no dato anterior, a preferencia virá determinada polo punto 3º.





As solicitudes que non presenten toda a documentación esixida na base 4 non serán tidas en conta. En caso de que se presenten solicitudes coa documentación incompleta, e esta se complete posteriormente, a data e hora que se considerará para a selección será a do rexistro da última documentación presentada.

Os solicitantes que non poidan obter unha autorización de atraque poderán acceder a unha LISTA DE ESPERA para a adxudicación das prazas de atraque que poidan quedar posteriormente vacantes.

6.- ADXUDICACIÓN DAS AUTORIZACIÓNS DE ATRAQUE

Á vista das solicitudes presentadas e dos criterios propios da axeitada explotación portuaria, Portos de Galicia adxudicará as correspondentes autorizacións de atraque, previos ós trámites que procedan. Asemade, no intre en que Portos de Galicia adxudique as autorizacións de atraque, procederase á liquidación con cargo en conta da taxa portuaria correspondente segundo o disposto na Lei 6/2003, de 9 de decembro, de taxas, prezos e exaccións reguladoras da Comunidade Autónoma de Galicia.

7.- POSTA A DISPOSICIÓN DAS PRAZAS.

As prazas entregaranse no intre en que sexa outorgada a autorización de atraque.

En Pontevedra, a 8 de marzo de 2010

O ENXEÑEIRO XEFE DA ZONA SUR

Asdo: Mateo Ruibal Fernández

